



**2. MAJ, DAN OPĆINE  
STARI GRAD SARAJEVO**

**SVEČANA SJEDNICA  
OPĆINSKOG VIJEĆA**



## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA

### OPĆINSKA POVELJA SA ZLATNIM ŠTITOM

#### **Narcisa Kevčija**

Narcisa Kevčija je rođena 1973. godine u Sarajevu. Još kao maloljetno građansko lice dobrovoljno se uključila u odbranu grada i države BiH. Jedna je od šest pripadnica ženskog spola koje su aktivno učestvovala na linijama fronta sa suborcima. U Armiju BiH uključila se 01.08.1992. Iako je žena, bila je pripadnik Zelenih Beretki, IDV čete Prve brdske, a kasnije 115 motorizovane jedinice. Učesnik je svih akcija na Trebeviću, Azićima, Grbavici, Vracama i na Igmanu. Danas živi u Sarajevu, nezaposlena je i majka maloljetne djevojčice.







## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA

### OPĆINSKA POVELJA SA ZLATNIM ŠTITOM


#### **Samir Čelik**

Samir Čelik je rođen u Sarajevu, gdje je završio osnovnu i srednju školu. U dobi od 17 godina pristupio je Teritorijalnoj odbrani na području Gazinog hana, lokalitet Hladivode. Svoj doprinos borbi protiv agresora davao je do 07.09.1992. godine kada je teško ranjen na Hladivodama (09.09.1992, godine) i amputirana mu je desna natkoljenica. Nakon rehabilitacije ponovo se aktivirao i, u skladu sa svojim zdravstvenim sposobnostima, aktivno učestvuje u radu Udruženja RVI Stari Grad i Mjesnog odbora Gazin han.





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### POVELJA SA GRBOM OPĆINE STARI GRAD **Mehmed Kalajdžisalihović**

Mehmed Kalajdžisalihović je rođen u Sarajevu 1949. godine, gdje je završio osnovnu i srednju školu, te Elektrotehnički fakultet. Napustivši posao republičkog inspektora, 1982. godine položio je ispit za papudžiju, te je 1986. godine udružio rad sa ocem u zajedničku papudžijsku radnju, a od 1988. godine papudžijski obrt obavlja samostalno. Od 1992. do 1996. godine bio je pripadnik Armije BiH. Poznato je da u BiH postoje samo dvije papudžijske radnje, i to na području Općine Stari Grad, koje još uvijek izrađuju tradicionalnu sarajevsku papuču na način kako se to radilo vijekovima unazad. Papudžijska radnja Mehmeda Kalajdžisalihovića nalazi se u ulici Sarači br. 31 i u njoj se izrađuju ravne, sarajevske papuče sa petom, paun papuče, muške kožne papuče, usaračene priglavlke, mestve, svakodnevne papuče, dječije pape, i tzv. Aladin papuče koje su kao takve suvenir Sarajeva i Općine Stari Grad.





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### POVELJA SA GRBOM OPĆINE STARI GRAD

#### **Nihad Halilbegović**

Nihad (Hifzo) Halilbegović rođen je 1945. godine u Gračanici. Pravni fakultet završio je u Sarajevu. Radio je u pravosuđu, upravi i privredi. Prije, i u toku agresije na Bosnu i Hercegovinu, obavljao je dužnost Gradskog sekretara za narodnu odbranu. Osim toga, obavljao je dužnosti Sekretara za boračko-invalidsku zaštitu Okruga Sarajevo, Sekretara Gradskog vijeća Sarajeva, Savjetnika ministra u ministarstvu za izbjeglice, raseljena lica i dijasporu BiH i dr. Učestvovao je organizovanju otpora protiv agresije (vršio je dužnost komadanta Prvog štaba Patriotske lige u RBiH i člana Regionalnog štaba Patriotske lige). Bavi se istraživačkim radom, član je Vijeća Kongresa Bošnjačkih intelektualaca od osnivanja, dobitnik više priznanja i autor brojnih djela.



## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



## POVELJA SA GRBOM OPĆINE STARI GRAD

### Apoteka "Vratnik"

Apoteka "Vratnik" je mala, ugodna apoteka kojoj je osnovni zadatak da zadovolji svakog pacijenta svojom uslugom i stručnim znanjem, a djeluje u sastavu JU "Apoteke Sarajevo". Apoteka je smještena u samom srcu Vratnika i na ovom prostoru je dugi niz godina. Mjesna zajednica "Vratnik" ima oko 5 500 stanovnika i oni su svakodnevni posjetitelji ove apoteke. Osim stanovnika ove mjesne zajednice, u pomenutoj apoteci snabdijevaju se pacijenti sa područja Kovača i Gazinog hana. Svi pacijenti, uz lijek, uvijek dobiju i lijepu riječ. Moto uposlenika ove apoteke je: "Mi smo tu samo zbog pacijenata i želimo svakog od njih usrećiti, pružajući im sigurnu brigu i njegu kroz lijek, lijepu riječ i stručni savjet."





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### ZLATNI SEBILJ

#### Recep Altepe

Recep Altepe rođen je 1959. godine u Bursi. Osnovnu i srednju školu završio je u Bursi, a 1983. godine završio je Gazi Univerzitet - Odsjek mašinstvo, te iste godine započeo vlastiti posao, da bi od 1994. godine počeo angažman u oblasti državne administracije. Oženjen je, otac troje djece. Za Načelnika Općine Osmangazi izabran je 2004. godine, da bi 29.marta 2009. godine bio izabran za Gradonačelnika Grada Bursa. U periodu kada je obavljao funkciju Načelnika Općine Osmangazi, između Općine Stari Grad Sarajevo i Općine Osmangazi zaključena je Povelja o prijateljstvu, što je predstavljalo početak jedne izuzetne saradnje. Njegovim ličnim zalaganjem i doprinosom u gradu Bursa izgrađen je Sebilj po uzoru na Sebilj na sarajevskoj Baščaršiji. Osim toga, realizacija projekta izgradnje Bakr-babine džamije rezultat je nesebične pomoći i zalaganja Recepta Altepea i to kroz konkretnu finansijsku pomoć, bez koje bi ovaj, za nas značajan projekat, bio doveden u pitanje.





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### ZLATNI SEBILJ

#### **Profesionalna vatrogasna brigada Kantona Sarajevo- Odjeljenje “Bašçaršija”**

Profesionalna vatrogasna brigada Kantona Sarajevo-odjeljenje Bašçaršija, djeluje u sastavu Prvog operativnog sektora Brigade. Odjeljenje Bašçaršija vrši poslove i zadatke iz oblasti zaštite od požara koji se odnose na provođenje preventivnih mjera zaštite, gašenje požara, spašavanje ljudi i materijalnih dobara ugroženih požarom, obavljanje protivpožarnih obezbjeđenja, pružanje stručne pomoći i dr. Sa aspekta zaštite od požara, posebnu pažnju predstavlja staro jezgro - Bašçaršija, gdje je izraženo veliko požarno opterećenje po jedinici površine. Svojim djelovanjem obezbjeđuju sigurnost velikog broja kulturno-historijskih spomenika, vjerskih objekata, tradicionalnih zanatskih objekata i slično, koji se nalaze na teritoriji općine Stari Grad.





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### POLICAJAC GODINE


#### **Nihad Čaušević**

Policajac Nihad Čaušević je rođen 1970. godine u Sarajevu gdje je završio osnovnu i srednju školu, te VŠS na Fakultetu sporta i tjelesnog odgoja. U toku agresije bio je angažovan u odbrani grada Sarajeva, kao i na drugim lokacijama u BiH. Od 2003. godine radi u PU Stari Grad na poslovima rukovodioca sektora u činu narednika i raspoređen je na područje Mjesnih zajednica Bašćaršija i Ferhadija.

Nagrađen je Zlatnom značkom BIHAMK-a za doprinos u razvoju rada sa djecom u osnovnim školama u saobraćajnoj sekciji i školskoj saobraćajnoj patroli, a u više navrata je primao pohvale od mjesnih zajednica, raznih udruženja i radnih organizacija sa područja Starog Grada. Za obavljanje zadataka uvijek je ocjenjivan najvećom ocjenom.



## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



**Naknadna dodjela  
Općinska povelja sa  
srebrenim štitom**

**Salem  
Čengić**





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### ZAHVALNICA OPĆINE STARI GRAD

#### **Nijaz Alispahić**

Nijaz Alispahić, diplomirani mašinski inženjer sa preko dvadeset godina iskustva na uvođenju sistema kvaliteta prema Volkswagenu-vim, SKF-ovim, Fordovim i Standardima ISO 9000, autor je niza radova i stručnih knjiga na temu sistema upravljanja kvalitetom. Svoje iskustvo iskoristio je kako bi pomogao i da Općina Stari Grad uspješno uvede i certificira sistem upravljanja kvalitetom. Ispit za vodećeg auditora položio je u Engleskoj i registriran je u svjetskom registru certificiranih auditora u Londonu. Do sada je u ulozi konsultanta učestvovao u izgradnji sistema kvaliteta i sistema okolinskog upravljanja u preko 60 organizacija koje su uspješno certificirane.



## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



## ZAHVALNICA OPĆINE STARI GRAD


### **Ambulanta porodične medicine "Medrese"**

Ambulanta „Medrese“ je među prvim osnovanim ambulantama u periodu agresije ('92-'95.) i u tom periodu nesebično je pomagala borcima Armije BiH, kao i građanima. Ambulanta djeluje na području MZ Medrese i danas i u velikoj mjeri pomaže stanovnicima ovog područja, organizuje ljekarske preglede građana i uvijek se nesebično odaziva svim potrebama i akcijama Savjeta MZ Medrese.





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



## ZAHVALNICA OPĆINE STARI GRAD

### **Džematski odbor Careve džamije**

Na 20. sjednici Općinskog vijeća Stari Grad Sarajevo, održanoj 21. jula 2010. godine, usvojena je inicijativa da se džematskim odborima Careve i Gazi Husrevbegove džamije u Sarajevu, povodom 2. maja - Dana Općine Stari Grad Sarajevo, dodijele posebne zahvalnice. Zahvalnice se dodjeljuju za zasluge čuvanja i održavanja dva najznačajnija turbeta u Sarajevu i to: mezar osnivača Sarajeva Isa-bega Ishakovića i turbe najvećeg vakifa Sarajeva Gazi Husrev-bega.



## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### ZAHVALNICA OPĆINE STARI GRAD

### **Džematski odbor Gazi Husrev-begove džamije**

Na 20. sjednici Općinskog vijeća Stari Grad Sarajevo, održanoj 21. jula 2010. godine, usvojena je inicijativa da se džematskim odborima Careve i Gazi Husrev-begove džamije u Sarajevu, povodom 2. maja - Dana Općine Stari Grad Sarajevo, dodijele posebne zahvalnice. Zahvalnice se dodjeljuju za zasluge čuvanja i održavanja dva najznačajnija turbeta u Sarajevu i to: mezar osnivača Sarajeva Isa-bega Ishakovića i turbe najvećeg vakifa Sarajeva Gazi Husrev-bega.





## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



## ZAHVALNICA OPĆINE STARI GRAD

### **Asocijacija mladih SDA**

Asocijacija mladih Stranke Demokratske Akcije Stari Grad je, od svog nastanka 1991. godine, pa do danas, umnogome pomogla razvoj Općine Stari Grad u različitim sferama života. U dvadesetogodišnjem djelovanju Asocijacije mladih prvenstveni cilj je bio okupiti mlade ljude do 35 godina starosti, te ih politički educirati i društveno aktivirati, tj. staviti ih u funkciju društva u kojem žive i rade. U prilog tome ide njihovo učešće u Općinskom vijeću Stari Grad, Gradskom vijeću Sarajevo kao izabrani predstavnici naroda i u Komisijama Općinskog vijeća. Asocijacija mladih osmislila je i realizirala veliki broj različitih humanitarnih, kulturnih i sportskih projekata koji su imali veliki odziv i interes javnosti.



## 2. MAJ, DAN OPĆINE STARI GRAD SARAJEVO SVEČANA SJEDNICA OPĆINSKOG VIJEĆA



### ZAHVALNICA OPĆINE STARI GRAD

#### **Uzeir Skaka**

Uzeir Skaka, istaknuti društveni i humanitarni radnik, rođen je 1950.g. u Sarajevu, gdje je završio osnovnu i srednju školu, kao i Medicinski fakultet. Od 1982.godine član je Predsjedništva pokopnog društva „Bakije“.

Od februara 1991. godine učestvovao je u obnovi rada MDD „Merhamet“ od kada je aktivan član Izvršnog odbora i Ljekarske komisije. Kao član delegacije MDD „Merhamet“, 1992.godine otišao je u Istanbul gdje je radio na prikupljanju pomoći BiH i formiranju bolnice koja je primala ranjenike iz BiH. Od juna 1993. do oktobra 1994.godine radio je u Generalnom Konzulatu RBiH u Istanbulu na poslovima stručnog saradnika za socijalno-humanitarna pitanja.





**2. MAJ, DAN OPĆINE  
STARI GRAD SARAJEVO**

**SVEČANA SJEDNICA  
OPĆINSKOG VIJEĆA**